

KUALUNUIAOLA!

KE KEIKIKOA O KA MOKUPU-  
NI O MANOKALANIPO. —  
KA HI'APAIOLEO KE KOA  
I NA LA O KA NOHOALII  
ANA O OLA, KE ALII O  
WAIMEA, KAUAI.

A e like me ke kukunukonu o ka  
ike o keia lahui ma na lau nabele-  
hele, pela no hoi na makua o keia  
mau keiki, a inamua o ka hoea ana  
mai o kekahi la ae, ua oluolu loa  
ae la ua mau keiki nei, koe no nae  
ko lau ka'e ole, ua mau no ka aai  
o ia mea ia lau a o ka make ka  
palena.

A o ka hoeko ia ana no hoi o ka  
Kualunuiola mea i kamailio mau  
aku ai ia lau, ina nana ka eha,  
kau ke alina.

Hala ae la ia la me kana mau  
hana, hoea mai la kekahi la ae a  
ma ke ahiahi o ia la, ua piha hou  
ae la no ke kula o Waikaia i kama-  
lii puni lealea e like me ka mea  
maa mau i na aluna ahiahi a pau,  
a ua oi aku hoi ka piha i keia la i  
ko na la mua i hala, ke hele ala a  
koko ke puua ke kula o Waikaia i  
ka nui o kamalii.

A oia o Kualunuiola e noho  
ana ma ke kua o kona home kua-  
hiwi, malalo o ka malu o kekahi  
mau kumu lehua, ua lohe hou ae  
la no oia i ka uwa o ka pihe kama-  
lii a haalele wale, a uwa hou no a  
haalele wale.

Hoomaopopo hou iho la oia, ua  
piha hou na kula nei i kamalii, ke  
pii mai nei ka uwaui ika nei a  
habana i kuu manawa.

A no ka nui loa o kona lealea i  
ka uwaui mau mai o ka pihe o  
ka leo o na kamalii, nolaila, ua  
ku ae la oia a hele aku la e kii i  
kona ma-lo o ka hele ana aku imua  
o kahi maka-kanaka e kau ana ma  
ka aoao o ka puka komo, a i haka-  
lia no a paa i ka hume, o ka iho  
mai la no ia o ua keiki nei.

A aole no hoi i liuli, ua hoena  
aku la ua keiki nei i ke kula pahe-  
pua, kahi hoi a na kamalii he nui  
e lealea ana me ka hoikeke ana i  
na niho, a pepe no hoi ka aoao i ka  
noke i ka akaaka.

Oiai nae ua opio nei e iho aku  
nei, ua ike koke mai la no kamalii  
iaia, a awaha pu ia ae la no hoi il-  
ko oia manawa kana mau hana i  
hana ai i ka la i hala.

Aole no hoi i upu iho ka Kualu-  
nuiola iho ana aku o na lima a  
me na wawae, ku ana i ke kula pa-  
heepua o Waikaia, kahi hoi a ka-  
malii e paani ana.

Aka nae, aole i hoopili i aia  
aku ua keiki ia i kahi o na lealea e  
malama ia ana, no ka mea, ua mae  
popo iaia, aole he ulu o ka hoi ona  
kamalii i ka hooku'eku'e makanui,  
nolaila, ua hoomanana mai la a kaa  
wale me he akule ala i ka hohonu.

A no ka hiki ole i ua opio nei ke  
kinnai i ka nui o kona lealea i ka  
paani mai a kamalii, ua hookokoke  
aku la oia i kahi a kekahi keiki  
nui e noke ana i ka wai me ka haa  
nui ana, me ka noonoono ana iho o  
ua wahi keiki nei iloko iho ona i  
kana mea e hana ai, i wahi no ua  
keiki nui ala e makapaa ai a hopu  
hewa mai iaia e paani pu me ia, no  
ka mea, aole oia i ke mea i ua kei

ki nui ala i na la mua elua manua  
iho, a e ike ana hoi kaua i ka hoo-  
haehae ana o ua opio nei i ua keiki  
ala ma keia wahi.

I na manawa a pau a ua keiki  
nui ala e ke'a ai i kana pua, e olelo  
mau aku ana o Kualunuiola i na  
olelo hoonaukiuki, me kona manao  
ole ae, he keiki kela i kii maoli ia  
aku e na keiki o Makaweli e hele  
mai e hookuku me ia; aka, eia nae  
ua wahi keiki nei ke hoonaululu  
aku nei me ka ike a lohe ole mai o  
ua keiki nui ala i ka ia nei mau ha-  
na e hana aku nei.

Aole i pau.

HE MELE KANIKAU.

He ula no Kalani  
Ka hanai kapu a wawalo  
Hea iluna o Malama  
He wahi ku kapu no ke Kini  
Lau nui a Kea  
He kanaeae walohia ia  
No kuu Haku a—  
He lani he milimili  
He mea laha ole  
Nou e Hanai Kapulari  
He anoano meha  
Ka leo o kuu Haku  
Aole iho nei a—  
E upu ae ana  
O kahi e ike aku ai  
I ke aka kino wailua  
O kuu Haku lani  
Aole iho nei a—  
He mea nui ka leo o kuu Lani  
He hipuu paa na kuu manao  
A he ukana ke aloha  
Na ka waimaka e hanini nei  
Aole iho nei a—, minamina wale  
Lele lani ke aho  
O kuu Haku  
I ka aina hau-oki o Kaleponi  
Oki, a kaa wale ke aloha  
Uhi ka noe halii iuka  
Ku ka punohu ka ua koko  
He hoailona ia  
No kuu Haku Lani a—  
Auwe kuu Haku a—  
Aole iho nei e.

MISS M. LELEO.

Ua Makemake ia i  
keia wa.

Ua makemake ka Hui Hana Hao  
Uniona o Aina Hou i ewalu poe  
kanaka hana no ka hele ana e ha-  
na ma kahi o ka Mahiko Hou o  
Honouliuli, Ewa, me ka uku pu ia  
i ka uku kupono. No na mea aku  
i koe, e hele mai e ninau pono i ka  
Luna Nui o ka Hui Hana Hao  
Uniona. 1w-1.

I na Luna Lawe Nupepa a pau.

Ke poloi ai aku nei oukou a pau  
hookaa pono mai ma keia keema i na dala  
o na Nupepa i na Poalima a me na Poa-  
kahii, i ka mea nana ka hooa malalo iho,  
aole hoi ia ha'i aku. E like me ka nele  
mai ia oukou, pela no e nele pu aku ai  
ka nupepa. Ua hana ia keia rula i man-  
ai ke oia o ka maka a me ka Wahaolelo  
hooa ole no ka oia o ka poa pono o ka  
Lahui. J. E. BUSH.

Luna Hooponopono Nui.

I ka Poe Lawe Nupepa.

Ke poloi ai aku nei oukou i ka poe he  
luhulu e lawe nei i ko lakou nupepa,  
makaala mai i ka hookaa ana i ka uku o  
ka Nupepa ma ka hebedoma, a e malama  
i na palapala hookaa mai na luna aku  
nona na mea i hoike ia ma ke poe o keia  
Nupepa. No ke pae wae o ka hookaa  
ia ana o ke dala, a me ka hookiki loa ana  
mai i ke keema nei, ua hookolo makou  
ma ka hebedoma ka hookaa, i manua ai  
ka hookaa ana a ka mea e lawe ana, a i  
maopopo mau ai ia makou, i kela a me  
keia hebedoma, ka poe i hookaa mai a  
me ka poe i hookaa ole mai, a ina ua  
hookaa me ka loa aku o ka Palapala  
hookaa, he mea hoi e maopopo ai, ke ulu  
ae ka nele o ka mea heluhelu, ke okiia  
aku ka nupepa no ke kaa ole ma o na lu-  
na ae, alaila, no na luna ka hewa, aole  
no ka mea heluhelu. A ina aole ia maoli  
no na luna ka hewa, alaila, e kala ia ma-  
kou no ke oki ana aku i ka poe hookaa  
ole mai i ka lakou nupepa. J. E. BUSH.

JOS. HUBASH.

(Alanni Papu, Honolulu H. I.)

He mea Milo Gula kau-  
lana, aia ma ka

Halepohaku o Makaanani.

He Puu nui o na mea Gula,

{AME}

Na Lako Dala o kela a me keia ano.

No ke kumukuai haahaa, e ohi oe a luhi ko kino; a o ka lali,  
ka lilelile, a me ka mahieheie, oia kau e linohau ai; no ka mea, he keu  
a ka haahaa o na kumukuai. Honolulu Feb. 2, 1891. 121 1w-d.

KA HUI KAA ENTERPRISE.

Ua kukulu ae nei au i kekahi HUI KAA  
Eleu ma ka aoao iho o KALAKAUA HALE  
ma Alanui Kalepa.

Ma ka Huina Hoolulu  
Kaapio Helu 13.

O na kauoha a pau e hoouna ia mai ana ma ke TELEPONA mai na  
makamaka mai ma na wahi a pau o ke kulanakauhale nei, e hoo  
ko koke ia no me ka piha eleu o ka uila.

E Hoao i pau Kuhihewa.

WALLACE JACKSON,

Luna Nui.

TELEPONA BELE HELU.....113  
MATALA.....690.

Hoolaha Hookapi.

Ke hoike ia aku nei ka lohe i na ano  
kanaka a pau loa. Ua hookapu loa ma-  
ua i ko maua mau Apana Aina ekolu  
i kapaia o Kalaheo, Kahalulu a me  
Puuhala, no lakou na eka 202 e waiho  
la ma ka Paa, Kailua, Koolau-poko, Oa-  
hu, i hoimalima ia e maua mai ia Ke-  
lean (w) mai. Nolaila, ke papa loa ia  
aku nei na holoholona o kela a me keia  
ano, aole e hookuu wale ia maluna o ua  
mau Apana Aina la, a o ka mea a mau  
mea paha e kua ana i keia, e hopu ia no  
e mana, a i ole ia, e ko maua mau hop-  
paha, a e hojko ia e like me ke kuhiku-  
hi a ke kanawai. O na poe a pau e ma-  
kemake ana e komo iloko o keia Hui, e  
pono lakou e hele mai e hui pu me Mrs.  
C. I. HIRAM, a i ole ia, me DAVID  
DAYTON, a i ole ia KUKA.

Owan no me ka haahaa.  
MRS. C. I. HIRAM.  
Honolulu, Oahu, Oct. 8, 1890. 3ms-d.

NO KA POE MAKAIKAI  
MA KA  
O. R. & L. Co.  
MA KA I'A HAMAU-  
LEO O EWA.

O KA POAONO KA LA KUPONO  
no ka hele ana, oiai e haalele ana ke kaa  
i kahi hoolulu ma Kuwila, Honolulu, i  
ka hora 1:45 p. m. o na Poaono a pau.  
No ka auhan, aole olelo ana, he hook-  
kahi wai o ka like, mai ka like a ka  
laele.  
OIA HUI, HE—50 keneta, hiki i  
Manana a hoi hou mai—75 keneta, hiki i  
Honouliuli a hoi mai.  
O keia ka manawa pono e la'i ai ka  
hooloholo hookaha manawa me ka hann  
ana i na hookuu maukai, no elua wahi  
keneta wale ro o ka mile.  
1w-d Oct. 8, 1890.

Ka Hui Uwati  
Kaleponi.

Na uwati gula o waho, hoopihia ia, me  
na mea hana o loko, o ka hana uwati  
kaulana WALTHAM, no \$30 o ka uwati  
hookahi, ma ka uku palua dala o ka pule  
hookahi. E kipa ae io—

A. J. SCHREIBER—Agena  
Alanni Hotele, malalo iho o ka Hotele  
Alonetona.

KAUKA YONG KAM  
PUNG.

HELU 53, ALANUI MAUNAKEA

Ke Kanka Loea o ka Ai-  
na Pua.

U AHIKI KE HOOLA IA KELA A  
me keia ano ma'i, mai ko na kane  
wahine a me ko na keiki liili. O  
na ma'i ha-no, na hiki loa ia ke  
hoola ia me ka maalaha. A o na  
ma'i e pifi ana i ka maka, pau pu  
ia i ke ola.  
Ke hoike ia aku nei, eia ke ola ianei  
me ka oluolu no o ka auhan.

E KIPA mai e ka poe i hoolun-  
lu ia me na haawina pilihua i ka ma'i  
a na'u oukou e hoola aku.

KAUKA YONG KAM PUNG.  
Augate 25, 11-1.

Ma ka papa hoike o na make o  
ka mahina i hala a C. B. Reynolds  
ka Agena o ka Papa Oia, he kana-  
lima-kumamaono ka huina nui o  
na make, mai ko na ewe pono o ka  
aina a na malihini, a penei ka ma-  
helehele pono ana; he 32 kane a he  
24 wahine, a mailoko ae o ka huina  
nui o na make, he 42 Hawaii, he  
eono keiki o ka aina pua, he 5 Pu-  
kiki a me 3 Amerika.

Ma ko makou hoomaopopo ana  
iho, ua eni iki iho na make iloko o  
ka hoomaka ana o keia makahiki  
i ko ka makahiki i hala, no ka mea  
o ka nui o na make ma ka makou  
papa hoomanao, i ka 1890 aku nei,  
iloko o ia malama hookahi no, he  
75 ka nui, nolaila, ua like nie 19 ka  
haule.

HE HALAWAI MA KAUMAKA-  
PILI HALEPULE.

Ua malama ia he halawai malo-  
ko o ka luakini Kaumakapili, no  
ka noonoo ana, a hoomakaukan  
ana i na manao hoalohaloa i ka  
Moiwahine Kanemake Kapiolani,  
ka Moiwahine Liliuokalani, ka Oha-  
na Alii; a i ka Adimarala hoi o ka  
moku kua Amerika Kaletona o ke  
Aupuni Amerika, e kekahi poe ua-  
kasinana o ke kulanakauhale nei.

He hana maikai no ia, a kupono  
e hapai ia i keia wa, aka, o ka ma-  
kou nae e ha'oha'o nei, o ka lawe ia  
ana ae oia hana maloko o ka luaki-  
ni kapu, a hemolele e kaana ia ai  
na hoomakaukan ana oia mau ano  
hana, inamua o ka halihali ana aku  
imua o na Moiwahine, a me ka Adi-  
marala, no ka mea, i ka wa a ke  
Komite Lahui i noi aku ai i ua ha-  
lepule nei, i wahi no lakou e hui ai  
no ka lakou apana hana hope loa,  
oia ka haipule ana Eke Akua, ma-  
mua o ka halihali ana aku i ka ma-  
nao o ka Lahui imua o ka Moi ma  
ka la 14 o Augate 1890; ua hoole  
maka eleele loa ia mai e ke Kahu-  
napule o ua luakini kapu nei, a me  
kekahi o kona mau luna; a pela i  
nele ai ia leo nonoi haahaa. Aka,  
ma keia lono hoi i loa mai, aia he  
halawai e malama ia ana maloko o  
ua halepule la i ke ahiahi Poakahi  
iho nei Feb. 2, hoomanao ae la ma-  
kou me ka waihanuhea, i ke kipaku-  
ia o ke komite lahui mailaila mai,  
a nawa aku la i kauhale o ka oiha-  
na Kaawe Helu 4, ilaila, pumeha-  
na na hookipa ia ana mai.

Pehea keia e ka lahui Hawaii  
mai Hawaii a Kauai? He kaulike  
paha, he kau kapakahi paha ka la  
ua Waianae. Ke hu mai nei na  
hana hookamani, a ha-ke mai i  
waho, a ke utaula mai nei ka wa-  
wae o ua poe pule Akua hehelehe  
nei.

Aole makou i kamailio i keia no  
ka manao pili'no i na makamaka  
oia halepule; aka, ua lawe makou e  
kamailio ma ke ano e hoopolo'oi  
hoi, a e hookuku ae i keakea, i ika  
mai ai e ka lahui, owai kai hana  
me ke aloha a owai kai hana me  
ka lokoino?

E kala aku no makou i keia, i  
ka poe i kua mai i ke komite lahui,  
ke haawi ia mai na mohai o ka mi-  
hi no ia mau hana.

Aole paha he hilahila, oiai, ma-  
mua aku nei, o ka hana a kekahi  
mea ano piha hoio a hookano; o  
ka hele e olelo hele ma o maanei,  
"owau aku ana kekahi alii koa, e  
pau ana o mea," aka, a hiki mai i  
ke a la, he neo ka mea i ike ia, eia  
no oia ke pokaaka hele nei he po'i  
pule elua ka hana. Hilahila ole.